

KERATAN AKHBAR

TARIKH : 11 JUN 2024
AKHBAR : BERITA HARIAN
MUKA SURAT : 24

12 firma Malaysia catat prestasi saham terbaik Asia Tenggara

12 firma Malaysia catat prestasi saham terbaik Asia Tenggara

Sebanyak 12 syarikat Malaysia disenaraikan dalam 15 saham syarikat yang mencatatkan prestasi paling baik di Asia Tenggara untuk tempoh lima bulan pertama tahun ini, kata Menteri Ekonomi, Rafizi Ramli.

Bellau berkata, pemantau ekonomi menyenaraikan 15 saham syarikat yang mencatatkan keuntungan paling mendadak di Asia Tenggara dan 12 daripadanya merupakan syarikat Malaysia, sekali gus menunjukkan negara kembali di landasan baik di bawah pemo-

rintahan Kerajaan Perpaduan.

"Kestabilan politik sudah ada, mata wang Malaysia juga antara paling baik tahun ini dari segi pengukuhan dan dengan unjuran ini, Malaysia dijangka terus menjadi negara yang berpotensi di Asia Tenggara.

"Kita mula melihat tanda ekonomi yang semakin baik. Jika ini berterusan, unjuran menjelang 2027, 2028, Malaysia boleh diiktiraf dan diumumkan sebagai negara maju yang baharu," katanya dalam ucapan pada Majlis Pelancaran Jentera

Perpaduan Pilihan Raya Kecil (PRK) Dewan Undangan Negeri (DUN) Sungai Bakap di Nibong Tebal, malam kelmarin.

Mengomentari harga minyak dan pelaksanaan penyasaran subsidi diesel, beliau yang juga Timbalan Presiden PKR berkata, dahulu harga minyak RM1.90 dan subsidi kerajaan berjumlah RM3 bilion daripada bajet bernilai lebih RM200 bilion.

"(Tetapi) sekarang, subsidi RM60 bilion, harga minyak mentah AS\$80. Saya sebut dahulu, kalau harga minyak mentah rendah dan subsidi masih

boleh ditanggung, kenapa hendak hapuskan subsidi.

"Sekarang, apabila subsidi mencecah RM50 bilion, nak buat sekolah tak boleh, naik gaji tak boleh dan subsidi harga rendah itu yang sepatunya orang kaya, bukannya lebih baik (jika) kita alihkan subsidi itu?"

"Maksudnya, subsidi itu terus diberi kepada kenderaan awam, lori kecil, peniaga, malah orang biasa asalkan ada kenderaan diesel dan mereka yang berpendapatan bawah RM100,000 setahun pun dapat RM200 sebulan," katanya.

Rafizi berkata, pelaksanaan penyasaran subsidi diesel juga membantu kerajaan mengagihkan subsidi terbahagi kepada keluarga yang memerlukan secara bulanan berbanding membayar berbilion ringgit kepada syarikat minyak.

Kelmarin, Menteri Kewangan II, Datuk Seri Amir Hamzah Azizan mengumumkan harga diesel di semua stesen runcit Semenanjung ditetapkan pada RM3.35 setiap liter iaitu harga pasaran tanpa subsidi bermula 12.01 tengah malam tadi. BERNAMA